



Inatsisartunut ilaasortaq Hans Enoksen, Siumut
MAANI

Aalisariutit nutaanngilisut aserorterneqartarnissaat pillugit apeqqutip nr. 97-p akineqarnera

Inatsisartut suleriaasianni § 36, imm. 1 naapertorlugu aalisariutit nutaanngilisut aserorterneqartarnissaat taakkununggalu suliaqartussat pillugit apeqquteqarput. Apeqqutigineqartoq uannut akineqartussanngorlugu ingerlatinneqarpoq.

Apeqqutit:

- *Sinerissami aalisariutit nutaanngilisimasut aserorterneqarnissaannut sulinerit sumut killippat?*
- *Aammalu qassit saaffiginnissuteqarpat periarfissamik tassanga atuinissamik?*

Akissut:

Ulloq 19. januar 2010 ataatsimiittoqarpoq, ataatsimiinnermilu anguniarneqarpoq suleqatigiisitamut ilaasortassarsiornissaq kiisalu qinnuteqaatit tullerriaarnissaannut maleruagassat suliarinissaannut pilersaarusiortussanik kiisalu Kalaallit Nunaanni angallatinik isaterinissaq eqqarsaatigalugu periarfissanik misissuisussanik pilersitsisoqarnissaa.

Ataatsimiinnermi tassani KNAPK-mit aqqit marluk, GA-mit ateq ataaseq kiisalu Aalisarnermut, Piniarnermut Nunalerinermullu Naalakkersuisoqarfimmit ateq ataaseq isaterinissamut tapiissutinik tunineqarnissaq eqqarsaatigalugu angallatinik piginnittut qinnuteqaataasa aqunneqarnissaannut tullerriaarnissaannullu suleqatigiisitamit peqataasussat nalunaarutigineqarput. Allaffeqarfittut Aalisarnermut, Piniarnermut Nunalerinermullu Aqutsisoqarfik inissisimavoq.

GA-p suleqatigiisitamit ilaasortaataata kingusinnerusukkat ilaasortaajunnaarpoq atorfimmimit soraarnera peqqutigalugu, ilaasortarlu nutaaq ilaasortannngortinneqassaaq.

Kaajallaasitap qinnuteqaatit aqunneqarnerannut sulinermit ikiuutitut atorneqarluni atuuttussap suliarineqarnera massakut naammassineqalerpoq. Kaajallaasitaq Namminersorlutik Oqartussat iluanni tusarniaassutigineqarsimavoq, kaajallaasitarlu KNAPK-mi GA-milu maannakut tusarniaassutigineqarluni, taakkuupput kattuffiit avataaneersut suleqatigiisitamit ilaasortaataitaqartut.

Isaterinissaq pillugu qassit saaffiginnissimanersut eqqarsaatigalugit nalunaarutigineqassaaq tallimat oqarasuaatikkut marlullu allakkatigut saaffiginnissimasut. Ilanngullugu ilisimatitsissutigineqassaaq

20. maj 2010
j.nr. 01.28.2010-97

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@gh.gl
www.nanoq.gl

saaffiginnissutaasut tamarmik qulaani akissutigineqartoq assigalugu akineqarsimammata.

Angallatinut pisoqalisimasunut isaterinissamut tapiiffigineqarnissamik qinnuteqaatit nassiunneqartut kaajallaasitaq ilitersuutitaalu suliarineqareerpata aammalu qinnuteqaatit suleqatigiisitami suliarineqareerpata itigartitsinermik akuerineqarnermilluunniit akineqarumaarput.

Kaajallaasitap suliarineqarnerata ingerlanerani qulakkeerneqassaaq qinnuteqaatini aalajangiinerit suut tunngavigalugit tullerriaarisoqartassanersoq. Maleruagassat qulakkiissaavaat angallatit isaterneranni avatangiisit akisussaassuseqarluni illersorneqarsinnaanerat kiisalu piffissami tapiissuteqarnermi annertussusiliinermi qanoq maleruagassaqaassanersoq. Tamakkua tamaasa ingerlaneranni periuitsit suleriaatsillu erseqqarissuusariaqarput.

Naatsorsuutigineqarpoq qinnuteqaatit siulliit tiguneqartut aasap ingerlanerani ukiarpallu suleqatigiissitami suliarineqarnissaat.

Inussiarnersumik inuulluaqqusillunga

Ane Hansen

Aalisarnermut Piniarnermut Nunalerinermullu Naalakkersuisoq